



UNIVERSITÄTS-
BIBLIOTHEK
PADERBORN

Die XIX. Julii. In Festo S. Vincentii à Paulo Confes.

[S.l.], [ca. 1770]

In II. Nocturno.

[urn:nbn:de:hbz:466:1-62816](https://nbn-resolving.de/urn:nbn:de:hbz:466:1-62816)

Die XIX. Julii.

IN FESTO

S. VINCENTII à PAULO CONFES.

Duplex.

Omnia de com. Conf. non Pont. præter seq.

In Hymn. Iste Confessor. mut. tert. Vers.

Oratio.

DEUS, qui ad evangelizandum paupe-
ribus, & Ecclesiastici Ordinis decorem
promovendum, beatum Vincentium Apo-
stolicâ virtute roborâsti ; præsta quæsumus,
ut cuius pia merita veneramur, virtutum
quoque instruamur exemplis. Per Domin.

Lectio I. Noct. de Script. occ.

IN II. NOCTURNO.

Lectio IV.

Vincentius à Paulo Natione Gallus, Podii
non procul ab Aquis Tarbellis in A-
quitania natus, jam tum à puero eximiam
in pauperes charitatem præsetulit. A cu-
stodia paterni gregis ad literas evocatus, hu-
manas Aquis, divinas cùm Tolosæ, tum Cæ-
sar-Augustæ didicit. Sacerdotio initiatus, ac
Theologiæ laureâ insignitus, in Turcas in-
cidit, qui captivum in Africam abduxerunt;
sed in captivitate positus herum ipsum Chri-
sto rursus lucrificit. Cum eo igitur ex bar-
baris oris, opitulante Deiparâ sese proripi-
ens, ad Apostolica limina iter instituit; unde

X

in

in Galliam reversus Clippiaci primūm, mox
Castellionis Parcēcias sanctissimè rexit. Re-
nuntiatus à Rege primarius Sacrorum Mini-
ster in Galliæ triremibus, mirum, quo zelo,
& ducum & remigum saluti operam posue-
rit. Monialibus Visitationis à Sancto Francis-
co Salesio præpositus, tantâ prudentiâ per
annos circiter quadraginta eam curam fusti-
nuit, ut maximè comprobaverit judicium
Sanctissimi Præfus, qui sacerdotem Vincen-
tio dignorem nullum se nosse fatebatur.

*. Honestum &c.

Lectio V.

E vangelizandis pauperibus, præsertim
ruricolis, ad decrepitam usque ætatem
indefessus incubuit, eique apostolico operi
tum se, tum alumnos Congregationis, quam
sub nomine Presbyterorum sæcularium
Missionis instituit, perpetuo voto à Sancta
Sede confirmato speciatim obstrinxit, Quan-
tum autem augendæ Cleri disciplinæ allabo-
raverit, testantur erecta majorum Clerico-
rum Seminaria: collationum de divinis inter
Sacerdotes frequentia, & sacræ ordinationi
præmittenda exercitia; ad quæ, sicut & ad
pios laicorum secessus, instituti sui domici-
lia libenter patere voluit. Insuper ad ampli-
ficandam fidem, & pietatem, evangelicos mi-
sit Operarios, non in solas Galliæ Provincias,
sed

sed & in Italiā, Poloniā, Scotiā, Hyberniā, atque ad Barbaros, & Indos. Ipse verò, vitâ funēto Ludovico decimo tertio, cui morienti hortator adstitit, à Regina Anna Austriaca matre Ludovici decimi quarti in Sanctius Concilium accitus, studiosissimè egit, ut nonnisi digniores Ecclesiis, ac Monasteriis præficerentur: civiles discordiæ, singularia certamina, serpentes errores, quos simul sentit, & exhorruit, amputarentur, debitáque judiciis Apostolicis obedientia præstaretur ab omnibus. *R.* Amavit eum &c.

Lectio VI.

Nullum fuit calamitatis genus, cui paternè non occurrerit. Fideles sub Turcarum jugo gementes: infantes expositos: juvenes dyscolos: virgines periclitantes: moniales dispersas: mulieres lapsas: ad trirmes damnatos: peregrinos infirmos: artifices invalidos: ipsosque mente captos, ac innumeros mendicos subsidiis, & hospitiis, etiamnum superstitibus exceptit, ac piè favit. Lotharingiam, Campaniam, Picardiam, aliásque regiones peste, fame, bellóque Vastatas prolixè refecit. Plurima ad perquirendos & sublevandos miseros Sodalitia fundavit; inter quæ celebris Matronarum cœtus, & latè diffusa sub nomine charitatis Puellarum Societas: *Puellas quoquetum de Cruce,*

ce, tum de providentia, ac Sanctæ Genovefæ
ad sequioris sexūs educationem erigendas
curavit. Hæc inter, & alia gravissima negotia
Deo jugiter intentus, cunctis affabilis, ac sibi
semper constans, simplex, rectus, humilis, ab
honoribus, divitiis, ac deliciis semper ab-
horruit; auditus dicere: rem nullam sibi
placere, præter-quam in Christo Jesu, quem
in omnibus studebat imitari. Corporis de-
mum afflictione, laboribus senioque attri-
tus, die vigesimâ septimâ Septembris anno
salutis supra millesimum sexcentesimo se-
xagesimo, ætatis suæ octogesimo quinto, Pa-
risis in domo Sancti Lazari, quæ caput est
Congregationis Missionis, placidè obdormi-
vit: quem virtutibus, meritis, ac miraculis
clarum Clemens duodecimus inter Sanctos
retulit, ipsius celebritati die decimâ nonâ
Mensis Julii quotannis assignata.

¶. Iste homo &c.

IN III. NOCTURNO.

*Hoc uil. S. Gregorii Papæ in Evangel. De-
signavit Dominus. ut in communi Evang.*

¶. VII. Iste est &c.

¶. VIII. Sint lumbi &c.

*Missa. Justus ut palma florebit. Evang.
ut in Feste S. Ignatii 31. Julii.*

